

01 OGOS 2017

## Pelajar IPT lari polis ketuk pintu rumah

### Pelajar IPT lari polis ketuk pintu rumah

**TANJUNG MALIM** - Sebanyak 251 bungkusan plastik mengandungi cecair dipercayai air ketum dirampas dalam serbuan di empat lokasi berbeza di sini, petang kelmarin.

Dalam operasi dijalankan itu turut menahan tujuh suspek berusia 21 tahun hingga 42 tahun termasuk seorang penuntut institusi pengajian tinggi (IPT).

Ketua Polis Daerah Tanjung Malim, Superintendan Wan Kamarul Azran Wan Yusoff berkata, dalam serbuan pertama, pihaknya ke se-



Cecair yang dipercayai air ketum dijumpai di empat lokasi berbeza dalam serbuan, petang kelmarin.

buah rumah di Rumah Awam 2, Jalan Ketoyong, di sini kira-kira jam 1.10 petang sebelum menyerbu tiga rumah lagi di kawasan sama.

Katanya, pada serbuan ketiga itu, seorang lelaki yang juga penuntut IPT berusia 21 tahun keluar dari rumah sebelum cuba melarikan diri tetapi ber-

jaya ditangkap.

"Hasil pemeriksaan menjumpai 192 bungkus kecil cecair berwarna hijau disyaki air ketum yang disembunyikan di dalam dua tong ais berwarna merah," katanya.

Menurutnya, serbuan terakhir berjaya menahan suspek berusia 23 hingga 29 tahun dan turut merampas plastik mengandungi air ketum.

"Kesemua barang kes dirampas serta suspek ditahan dan dibawa ke IPD Kualim bagi membantu siasatan pihaknya," katanya.